



Byggðaráð Norðurlþings
b.t. Kristján Þór Magnússon
Ketilsbraut 7-9
640 Húsavík

ATVINNUVEGA- OG
NÝSKÖPUNARRÁÐUNEYTIÐ

Skúlagötu 4 101 Reykjavík
sími: 545 9700 postur@anr.is
anr.is

Reykjavík 22. september 2021
Tilv.: ANR21080179/11.01.06

Efni: Lokun Skjálfaflóa fyrir veiðum með dragnót - Hafnað.

Vísað er til erindis Byggðaráðs Norðurlþings f.h. smábátasjómannanna á Húsavík. Í erindinu var farið á leit við ráðuneytið: „að veiðar með dragnót verði óheimilar í Skjálfaflóa innan línu sem nemur við norðurenda Flateyjar í Tjörnstorfu. Að undanförmu hafa stór dragnótaskip verið að veiðum í Skjálfaflóa á hefðbundinni veiðislóð smábáta.“ Einnig segir í erindinu: „Skip að stærðinni 283 brúttótonn með gríðarlega toggetu og veiðarfærið útbúið til bolfiskveiða á ekkert erindi á grunnslóð. Afkastageta þess er í þriðja veldi á við það veiðarfæri sem miðað var við þegar undanþága var gerð fyrir dragnót til veiða í fiskveiðilandhelgi Íslands. Jafnframt var litið til þess að veiðarfærið væri kjörið til veiða á flatfiski þegar undanþágan var veitt.“

Ráðuneytið leitaði umsagnar Hafrannsóknastofnunar og umsagnar og upplýsinga hjá Fiskistofu.

Í umsögn Hafrannsóknastofnunar kemur m.a. fram að stofnunin telur engin fiskfræðileg rök til að banna veiðar með dragnót í Skjálfaflóa. Hafrannsóknastofnun bendir á að dragnót er afkastamikið veiðarfæri sem beita þarf varlega á hrygningartímanum þar sem smáar hrygningareiningar geta verið. Skyndilokanir vegna smáfisks í dragnót eru fátíðar miðað við önnur veiðarfæri á sömu slóð. Lífslíkur smáporsk sem lendir í dragnót og sleppur eru nokkuð góðar. Aðeins er til ein frekar takmörkuð rannsókn frá 2008 í Skagafirði um áhrif dragnótar á lífríki á botni og bentu hún ekki til merkjanlegra áhrifa, ekki er hægt að heimfæra þá rannsókn upp á önnur svæði.

Samkvæmt upplýsingum Fiskistofu stunduðu fjögur skip veiðar með dragnót á Skjálfaflóa 1. sept. - 15. mars 18/19, afli samtals 547 tonn.


1. sept. - 15. mars 19/20 stunduðu þrjú skip veiðar með dragnót á Skjálfaflóa, afli samtals 488 tonn. Eftir lokun, eða frá 15. mars - 31. ágúst 2020 stunduðu þrjú fiskiskip veiðar á Skjálfaflóa í alls 6 daga og afli samtals 32 tonn.

1. sept. - 15. mars 20/21 stunduðu fimm skip veiðar með dragnót á Skjálfaflóa. Veiðidagar um 110 og afli samtals 772 tonn. Eftir lokun frá 15. mars til 13. sept. 2021 hafa fimm fiskiskip stundað veiðar á Skjálfaflóa í alls 41 dag og afli samtals 384 tonn.

Af framansögðu má sjá að á undanförunum þremur fiskveiðiárum hafa þrjú til fimm skip stundað veiðar með dragnót á Skjálfandaflóa. Aflinn hefur verið frá 500 til 1.150 tonn á hverju fiskveiðiári. Á síðasta fiskveiðiári stunduðu fimm skip veiðar með dragnót á Skjálfandaflóa í alls 151 daga. Eða að meðaltali 30 daga hjá hverju skipi það fiskveiðiár. Að mati ráðuneytisins getur það vart talist mikil sókn á það svæði (Skjálfandaflóa).

Með vísan til ofanritaðs hafnar ráðuneytið erindi Byggðaráðs Norðurþings f.h. smábátasjómannanna á Húsavík um að veiðar með dragnót verði óheimilar í Skjálfanda innan línu sem nemur við norðurenda Flateyjar í Tjörnstorfu.

Fyrir hönd sjávarútvegs- og landbúnaðarráðherra


Guðmundur Jóhannesson


Skúli Kristinn Skúlason